


87 5
14

Дек 14

Осн

№10





ВЪСЕСЬ СОРБ
ТЕЛЪ И ГОЛЫ
СНІДЪТЕСЯ К
НЬ СЪДОВИ
РНИ И ПИТИ
ШЕ НЕ
ДОСТОИНАСЯ
ИНОКА МАК
СИМА. АЩЕ
ТО НЕДОБРО
НЪ СЪДОВИ
МАШИТА КЪ
И АЩЕ БУД
ПАТЯКИ ПЯ

БЕСѢДОВАНИЕ
МАКСИМА ГРЕКА

О

ПОЛЪЗѢ
ГРАММАТИКИ;
СЪ

Присовокупленіемъ: 1.) Сословія именъ
по азъ бѣди, съ толкованіемъ
Славенскимъ; 2.) Толкованія Грам-
матическаго двумъ Молитвамъ:
Царю небесный и Отче нашъ.



Печатано въ Москвѣ, 1782 года.

СВЯТЫЙ СЛАВЯНСКИЙ
АВТОГРАФ

Гос. Автограф Службы А-В
ИМ
№ 313930
193 г.





1.

Нѣкоего попросишаго съ любо-
труднымъ тщаніемъ, Мак-
сима инока спятыя горы,
яже о Грамматикѣ, и Рито-
рикѣ, и Философѣ, о еже яко
да не не извѣститъ ему о сихъ,
въ пользу къ любоученію, ра-
зуму его желающу.

Понеже убо яко подобающему
коснувшумися нѣкоимъ ма-
новеніемъ, словесное повелѣвая,
чрезъ повелѣваемаго ми, и диве-
снѣ о семъ почюдихся, яко про-
шеніе отъ всепріемлющаго мя
достиге, и многоскорбно о семъ
смышляхъ, совѣтуя умъ къ мы-
сли. и по елико вмѣстному и ху-
допріемному разумѣнію моему,
и вины совопросимымъ многаж-
ды созирая, и обрѣсти ю не воз-
могахъ занеже нипервымъ убо на-
чатію предложити откуду не-
А вѣде,

вѣде, ниже посредѣ со извѣтомъ
благословнымъ представи ;
конецъ же ми гдѣ и вѣдомъ
явится.

Максимъ.

Рци убо ми боголюбезне мо-
лю тя, что ти есть отъ ни
что же имущаго желая, и кое
прошеніе воспребовася. Вѣси убо
убожество мое, яко отъ всюду
и весма всячески пустъ есмь,
и ни вмалъ же что удобнѣй-
шихъ свѣмъ. Тѣмже убо чуй-
нѣ услышавъ отъ преблажай-
шаго ти и ангелѣпнаго извѣ-
щенія. а соборъ мыслей сотвор-
ше, вѣ молву преклоньшеся,
къ любодаровитому душелюбцу,
негли той услышавъ, за
святожелаемое ти совопрошеніе,
и преубожайшій мой безъ от-
вѣпный глаголъ, велемогущею
своею силою, вѣ слово благо-
отвѣпнѣ произведетъ.

Вопроси

Вопросицыи.

Ищу убо сихъ яко слышу
любомудріе бывающее въ чело-
вѣцѣхъ, многочастно и много-
видно сіе въ тѣхъ произносит-
ся: ови бо глаголютъ Грамма-
тикіею, друзиже Риторикіею:
иниже Логікою: глаголютъ же
быти винословну сихъ сущест-
вословію, и преимѣтжеса во
всѣхъ сихъ, всечастнѣйшая Фи-
лософія, вкупѣ же и выше-
естественная богословія. и
много о сей сподражаваю, и
со взысканіе велерачительно и-
мамъ, и вины и промысла бла-
говѣстнѣйшаго зѣло обрѣтаю.
рци убо ми не таебнѣ о сихъ
всѣхъ, никое же завистодержно
имѣя въ себѣ непщеваніе.

Максимъ.

Иже убо сихъ обрѣтый въ
коварствѣ, сей благоразумная
и преимѣтѣ въ тѣхъ, веле-
мощное художество сихъ худо-
жествѣ.

жествѣ. азѣ же яко видиши мя невѣжа, и весма поселянинѣ, и откуду сицевая почерпну, ихѣ же бо никогда же и слуха моя вмѣстиста вѣ себе, и неприкосновенно ми есть по всему образу же и дѣйствию. мое же вѣдѣніе се есть, любославіе любосластіе, любострастіе: тѣми бо трими вещьми водимъ и содержимъ. и се мое коварство. симѣ же убо не касаемымѣ ми, како прикоснуса, или изглаголю. прости ми, и остави ми, ничто же отѣ сихѣ высочайшихѣ могу ти отвѣщати.

Вопроси пый.

Мню тя мѣсто вѣ себѣ и муща нѣкоея завистодержныя мѣры, и сего ти не блажю: понеже и разумѣвая совопросимая мною, таевиѣ укрыти тщишися. благословлю же ти, яко со-
воспріятый отѣ всепребогатаго
ти

ти талантѣ отдати, и усугубити и требующимѣ ми отъ тебе. блажаебо не щуетмися и онѣхѣ вопрошеніе яко и тіи ти желаютѣ приплодіа мзды. ты не разсудную буесть на ся влечиши лѣниваго раба приемшаго талантѣ, и въ земли скутавшаго. блюдися давашаго ти, якоже и оному испязателя, да некако на тя о иже безмилостный судѣ изнесетѣ.

Максимѣ.

Ими ми вѣру, яко совопрошеніе твое высшестественно ми есть, прещеніе же страхованія исполнь, и отъ обоуду яко остны словесы твоими бодомѣ не удобь бо сіе ми отъ тебе благодарно быти вознепщавася, и безотвѣтно слово имѣя, и возотвѣтовати откуду не вѣде, понеже любострастнѣйшихѣ сіе чюже есть бохма. паки не къ тому понуди мя молю-

пися, но имѣй мя отъ сихъ
отглагольна. и вопросы убо
рачителей, иже благоумнѣйше
мене и художнѣйше, и о сихъ
не дреманное око имущихъ и
поучающихся вождѣнно дни
же и нощи по выну.

Вопроси пый.

Отлучаеши себе богоблагодарнаго споричнаго воздаянія: лукавѣйша не щуютмися сія отъ тебе, а не смиреномудрая глаголанія: лукаваго же раба истязанія яже отъ владыки всѣхъ, и ты достойна приимеши. Отсѣцы отъ себе сей неблагодарный нравъ и жестосердіе, и буди подобяся своему Владыцѣ, и независтному даромъ дателью, и предприятая отъ него вождѣвающимъ отъ тебе, водоточно же и независтодержно отдавай, и никогда же презирай кого къ тебѣ пришедша, и подобающаго отъ тебе желаю-

желающа. и весѣма познай вре-
мя пріяти ти, и сокровищное
хранилище въ словолюбивѣй
ти души отключивъ отккрыти
ми.

Максимъ.

Что ти вознѣпщевася о мнѣ
дражайшій о люборачителю: и
откуда винословиши воеже ми
сія въ себѣ добрѣ преимѣти:
и отъ пустоплодыѣшаго, яко
пресладка плода доблеумнѣ
вкусити желаеши. когдабо симѣ
слышатися о мнѣ, яко любо-
учиму ми быти, а нелюбо-
учитися. гдѣ бо и отъ кого
сихѣ навикнути ми любомуд-
рѣйшихѣ отвѣтованіи: едали
Аѳінскихѣ мудропленныхѣ
любоучительствѣ когда отъ
кого научихся, ли онѣхѣ чюд-
нѣшаго хитрословесія насла-
дихся сподража. отъ дѣла ли
позналъ еси, или отъ слуха
въроятеленѣ бѣяше. во учимыхѣ

ли ти показяхся учитель, а
несличный со учащимися учайся.
ей, сихъ самъ зѣло подража-
ваемый люборачитель есмь, и
ищущу ми, и необрѣтающую:
понеже бо прендоша роди отецъ
мудролюбецъ, и открывшася чя-
да грѣхолобецъ.

Вопроси пый.

Еще обдержитъ тя непо-
корственное непослушаніе, и
дивлюся, яко узы неможеша
отлучитися. и любомѣрнѣ не
попустиши ти, воеже скрытое
въ тебѣ многорачительное лю-
боимѣніе на среду свѣта пред-
ложить, останися убо сего ос-
танися каменносердія, и неу-
добнѣйшаго своего любопрѣнія,
но отверзи, иже имаши въ себѣ
породѣ люботочиваго любоимѣ-
нія. рци ми безѣ напыщенія же
и прерѣкованія, отметнувъ бох-
ма всяко не сообразное непще-
ваніе. убо ли о вопросимыхъ ми
отъ

отъ тебе днесь не открывшѣ.
не ктому иже вопрошу тя о
сихъ, на судъ Господа моего
съ тобою пойду. блюдися убо,
да не како заперѣканіе якоже и
Моусей не внидеши во обѣпова-
ніе, но паче приимеши безбла-
годатное испязаніе,

Максимъ.

Азъ убо стахъ во изумленіи
зѣлнѣ, зане тѣсно ми есть отъ-
всюду: и сія прещенія слышавъ,
зѣло ужасаюся и трепещу: сма-
тря же любострастную со-
вѣсть мою, како къ сему неу-
добъ постижимому и высокоотво-
ривому совопрошенію ти во отъ-
вѣтѣ угоповлюся, и откуду
вину о семъ предостойнѣйшую
пріемъ начну повѣстословити.
обаче чрезъ всю мою надежу
повергся упованіемъ на незави-
стнаго и всѣмъ даромъ Дателя
и Спасителя Бога, иже безсло-
веснаго скопа раздвигшаго уста,

и словесна старца обличивша: негли преестественная его благодать, и моя отверзетъ не достойная уста, и слово силы своея во отвѣтъ предуготовитъ, паче же занеразсуднаго послушанія, твоего повелѣнія, и всеблагословеннѣйшія молитвы предпріятъ, и начну вѣщати. обаче бы не въ посмѣхъ и поношеніе предъ Богомъ же и предъ тобою, и всѣмъ въ позоръ возгласилося. начинай убо молитву твою еже къ Вышнему, о равноангельне, да не паки косненіе будетъ сихъ и тщета безмѣстнаго труда.

Вопроси пый.

Щедръ бо есть и милостивъ Господь, волю боящихся его сотворитъ, и молитву ихъ услышитъ. твое бо есть еже дѣлу начинаніе: молитвѣ же и благословенію, еже о сихъ помощи, тебе же се есть. азъ бо
хошу

хошу начала же и производу
отъ тебе видѣти.

Максимъ!

Ей, есть се твое, еже молиш-
вѣ и благословенію о насъ начи-
нанію. аще не ты о сихъ устраби-
шися, не надѣйся отъ мене от-
нюдѣ ни гласа ни послушанія: бо-
жма бо твое есть начинаніе, мое
есть еже отъ тебе сіе воспріати.

Вопроси чыи.

Имже убо образомъ воспро-
стру азъ руцѣ мое воеже къ
Вышнему, и возблагословлю пре-
святое имя его: невѣмъ бо вины
начинанія, ниже дѣлу твоему
словотворенія. Вѣдущаго бо пи-
тіе благостройно и удобно есть.
аще ли ни, то купнотвориѣй-
шую да возселемъ выпръ мо-
лебнѣйшую пѣснь и моленіе къ
Душеслюбцу нашему и Благода-
телю, глаголюще сице: Боже
богомъ, Боже всѣхъ, Боже нашъ
въ помощь нашу воньми, и въ
жела-

желаніе наше поспѣши, и волю свою святую нами сотвори. ей Господи Боже аминь.

Максимъ.

Хощу паки глагола твоего совопросительнаго доблеразумно увѣдѣши, и о нихъ же ти есть требованіе, извѣстнѣйшею бесѣдою изглаголи ми, да не паки въ долгому время преложится, и косненіемъ ны погибнетъ.

Вопроси пый.

Уншественѣйшаго благоразуміа, твердопамятнѣйшею вѣрою утвердивъ себе, и во глубину сердца твоего вникнувъ, исчерпи ми словотеченія, сего любомудріа, во еже просимымъ ми отъ тебе сказаніе изнеси. слышахъ бо во мнозѣхъ много-рачительное вышесловіе грамматическующихъ и риторствующихъ, къ симъ же логійствующихъ, и естествословающихъ,
по

по сихъ же философствующихъ,
паче же и богословящихъ. о
сихъ вѣрна вѣдѣнія велерачи-
телствую. нынѣ убо ꙗкupo-
чинно о всѣхъ сихъ сложеніе
сотворивъ, предложи ми: и что
въ сихъ намъ благодать, ду-
шевныхъ ли свойствъ, или внѣ-
шнихъ прикладъ: сихъ ми сло-
ва и чина, удобнѣйшее слово-
положеніе учинивъ, покажи,
достойная себѣ и достовѣрная.

Максимъ.

Вся любопчелна же и мра-
вѣи подобная собираеши, паче
же отъ насъ яко отецъ любо-
чаденъ нѣмоуваніа востребова:
воздражая бо ны, яко да не
косно безумнѣйшимъ терніемъ,
и лядиною непокорства про-
растши, душевное ми свойство
исчезнетъ. азъ же по словеси
твоему бохма всяко завистю-
держство отвергъ, его же бо
не имѣвъ никогда же, по елику
веле-

велемоушная подастѣ благодатѣ
просвѣпителя Іисуса, словесную
силу въ сіе вышестественное,
начинаніе, возглаголю ти, обаче
ими ми вѣру, есть бо се дѣло
зѣло любопрудно, и не требо-
ванну уму непослижно, о Грам-
матицѣ убо первословіе днесъ
намѣ настойтѣ, о ней же и
глаголѣ предлежитѣ. Грамма-
тикіа есть, начало и конецѣ
всякому любомудрію. отѣ нея
же всяко естество творитсѣ и
естествословитсѣ. ей же при-
лѣжай, благоумнѣйшая вся со-
бираетѣ, неудобная же ея по-
знаваетѣ, и непотребная вся
распачаетѣ. сію имѣй, никог-
да въ разумѣ ея глаголаній по-
грѣшаетѣ. сіа руководитель
не блзненѣ во всякое благоче-
стіе. сею умная наша и ду-
шевная чювства состоятсѣ. о
сей познавается уставѣ нашего
естества. сіа благоутварная го-
нящимѣ ю красота. сіа ражаетѣ
души

души не изслѣдная благоразумѣнія. о сей прогоняется отъ тоя любящихъ ю, всяко мраковидное неразуміе. сія вождь къ боговидному смотренію, и предивному и не приступному богословію. сія лѣствица горѣ периваго и небожелаемаго шествія. сія опаснѣйшій и твердостойный не мечтаемый умъ. сія копіе и мечъ на чюжеименное еретичесествующихъ бляденіе. вкупѣ реку, сія зеркало пресвѣтлѣйшее всяческимъ еже въ насъ, и въ нашихъ всѣхъ. сицевая есть всеобразная грамматикія, и тоя уставъ же и чинъ. нѣсть бо точно сей, яже есть въ свѣтѣ. велика убо и преславна вещь: и дивна ми бываетъ и слышаніемъ, коль же паче тоя разумѣніемъ.

Вопроси пый.

Но возвѣсти ми о ней же и о сущихъ отъ нея въ предложеніи

женіи пространнѣ. и коимѣ
образомъ же и дѣломъ состоитъ-
ся, и количествомъ мѣрится,
и качествомъ познавается, и
елики части и предѣлы въ себѣ
имать: тако же и о Риторикѣ,
и Логикѣ, и о существѣ
и естествѣ. и како тѣми
въ познаніи бываетъ, чест-
нѣйшая Философія: и отъ-
стоя како происходитъ высше-
естественная Богословія: о всемъ
благоповѣстно и словодатно и
рѣчеточно изъяснивъ предложи,
и открывъ покажи.

Максимъ.

Оно убо превеличайшее дѣ-
ло же и слово, не достижно ми
есть, и зѣло не достижно ми
есть, и зѣло выше силы моея,
и тонкословно: и нелѣтъ ми
изглаголати о семъ. но ели-
ко мало словоположникъ всѣхъ
Господь, въ наше недоуменіе
разума преселитъ, и въ произ-
водъ

водѣ мощи да подастѣ, тольма
попущався паки изречемѣ. ты
же паки преподобиѣи си руцѣ
воздѣвъ помолися, воеже да
дастѣ ми ся отпрыгнути сія,
по благовольству души твоея:
мы же о сихъ поищемѣ вины.
Сія убо грамматикія состоит-
ся и глаголется, четвероча-
стнѣйшими концы: сирѣчь, Ор-
тографією, и Просодією: Синта-
ксомъ, и Этимологією. слова
же въ сей четверицѣ преимѣетѣ
осмь; развѣе сихъ, ничто же
естъ. Суть же сія: Имя, Рѣчь,
Причастіе, Различіе, Мѣстоименіе,
Предлогъ, Нарѣчіе, Союзъ.
Сія же, но иного въ имя. сло-
во, часть, загадка, прозвище.
присловіе, слученіе, сладка. И
овы убо отъ сихъ въ себѣ сто-
ятъ: нѣкія же имутъ въ себѣ
раздѣленія. и симъ дробнѣй-
шимъ нынѣ нѣсть время. Лѣтъ
бо ми паки глаголати, да не
въ долготу слово произведет-
ся,

ся , паки кѢ прежерекомымѢ
приступити , и о ГрамматицѢ ,
и о сличныхѢ ей изглаголати.
Состоится убо сія четвероко-
нечная Грамматикиа , осмерич-
ными словоположеній , и пяте-
ричными же паденіи. Подле-
жатѢ же двадесять три под-
утверждаемыхѢ ея , и пятьна-
десять животворимыхѢ и дѣй-
ствуемыхѢ ими. отѢ нихѢ же
три царствующихѢ и владѣю-
щихѢ всѢми ими. безѢ нихѢ
же ничто же можетѢ вѢ Грам-
матицѢ состоятися , ниже вѢ
насѢ произноситися. Сія же вся
выше вѣщанная , скланяются во-
вся роды и виды , и вѢ составы
и несѣкомая и во всележащая
и соборная всей. Юже бо до-
брѢ водѣй , и риторикійствовати
начинаетѢ , познавѢ сея изряд-
ное любомудріе , и красоту слич-
ную кѢ сей присваяетѢ. вся бо
мудроплетенія вѢ томѢ суть.
познавѢ бо образѢ подобающаго
быти ,

быти, преизлишественнѣ, яко
благопочивая весна повсюду у-
хаетѣ, и пренеизрекомыя и все-
чюдныя красновидныя цвѣты
многообразны и не изочтенны
показуетѣ, и всѣхъ зрящихъ
я дивитися творитѣ. Риторѣ бо
не многопытно творити имать
совзысканіе. не ищетѣ отъ
чужесложныхъ составѣ же и
глаголѣ, но иже восхощетѣ,
всепреложнѣ вѣсть, красоту все-
образную, хитроплещеніе сло-
жное, и воеже подобающее со-
вокупляетѣ. Бахма же съ си-
ми и логичесествуетѣ, слово бо
сложно и удобѣ пріятно по-
казуетѣ, вездѣ бо и право и
хитрокознено, преслѣдуя же
слово словесе, право же и опаки
я полагаетѣ, яко же волился
ему. количество же и качество
всѣмъ мѣрамъ, и грани подпи-
суетѣ, сообразными виды, и со-
противными уставы. и прелогі и
сладки, вкупорядны и вкупочин-

ны и воспященны содѣловаетъ. не
таитъ бо ся, еже всякъ соузъ и
до тонкорѣчіа, тобо есть всѣмъ
слѣдовомъ путіе не блазненіи.
О сихъ разумѣй, и виждь, яко
здѣ беспогрѣшное существосло-
віе и естествословіе, вся различія
и мѣсы существа вѣ существо,
или случай вѣ случай, и образъ
вѣ виды, и виды во образъ,
или предѣлъ вѣ предѣлъ. не
изслѣдимо бо есть и не измѣ-
римо подробну все изглагола-
ти. Се уже и блаженные и все-
честнѣйшія Философіи откры-
тіе, и всеродное тоя проразу-
мѣніе. сія бо есть мати и по-
рода всѣмъ свободнымъ хитро-
ствомъ. Видѣніе бо сея пребла-
женнѣйшія и всепречестнѣйшія
чюдно, слышаніе же дивно. Сія
бо есть высочайшая любомудрію
вина, и глубочайшая не изслѣ-
димая порода. любопочивый кс-
рень. не любокичивый помыслъ,
не завистный изліятель. мѣсто
бо-

божественныя благодати сладящее всѣмъ. любоствующимъ ю, душевныя свойства, и украшающая вся тѣлесныя чюства.

Преимѣя ю, всебожественъ есть, и истакатель все-родному благоразумію, непогрѣшимое благопеченіе. богосвойственная утварь. не постыдный ко всѣмъ образъ. не завистный люборачитель. выше естественныя и всебоженыя богословіи родитель. Иже убо сія предостойнѣйшая вземъ воспріятъ любоученія, и свободнѣйшую прошедъ люборачительницу, бохма безъ всякого огре-за философити не стыдится. всячески сія чистодѣтельница, преобогашаетъ всякъ умъ, и къ превыспреннѣйшему и крайнему богоразумію же и богословію вводитъ. и всеобразныя тоя велемощнѣйшія силы изрицати подаютъ, всѣмъ не изсѣдимымъ, вся пути и слѣды

показуетъ. Доблеумнѣ же ходяй по сихъ, не заблуждаетъ. Безумный же якоже и азъ бох-ма отъ сихъ благошесствєныхъ всѣхъ, внеподобы низсходитъ. Никто же убо сего паки на сія и возводитъ, якоже богословци вѣщають. Сію убо превысочайшую мудрость, богоподобною мыслію прошедъ иже кто, всяко убо вѣщають Святымъ Духомъ, яко же той подающе имъ. о самомъ выше-небесномъ, яже о исконномъ начало имутъ, яко отъ лица Вышняго богословствуютъ и глаголютъ. Таковъ бо бѣше въ первыхъ, Давыдъ, иже и Бого-отецъ наречеся. Потомъ дѣвствующіи, дѣвственный Іоаннъ. и Діонисіи небесный орелъ. и Григоріи бодрый умъ. и Златоустый Іоаннъ. и другій Іоаннъ, Дамасково солнце, иже и край всякаго богословіа достиже, и єѣкира и оскордъ всякому бляденію

денію и ереси показася. и пре-
безмѣрная и бесчисленная отъ
присноблаженные и приснопа-
мятныя своя души, многа
намъ богословная вѣщанія оста-
вилъ. Тако же и прочіи вси,
иже богословія образъ преиму-
щій, сицевыми богоблагодат-
ными дары преизлишествовани
бѣша, и преславныхъ и не по-
стижимыхъ нами по Духу свя-
тому достигше.

Вопроси пый.

И мнѣ убо сія слышавъ пре-
великая, веліе раченіе, воеже бы-
ти сихъ вмалѣ вкусити, и по-
гожде дѣйствениѣйшаго дара у-
лучити, яко да и азъ прошедъ
Грамматикійское и Риторское и
Логійское любоученіе проразу-
мѣю, всяко существословіе же и
естествословіе, и дочастнѣйшее
любомудріе священные Филосо-
фіи, вкупѣ же и тоя величайшія
Богословіи.

Максимъ.

По нему же послѣдовати
желаеши веледушнѣ, требован-
но убо есть мнѣйшимѣ совзы-
сканіе сотворити, и собраніе
о нихѣ разумно поставити, по
сихѣ же къ высочайшимѣ уже
достизати. всяко убо сіе дѣло
велико есть, и собою сихѣ пре-
великихѣ достигнути нѣсть во-
зможно есть.

Вопросицы.

Рци убо ми праведнѣйше,
во елицѣхѣ днехѣ сію разумѣ-
вають, мощно ли временемъ
единѣмъ достигнути сихѣ, или
больма. азѣ бо желаю не о
себѣ, ни собою сихѣ достиза-
ти, и откровенія сущаго ми не
сомнѣною душею требую, но
на Вышняго весьма себе поме-
таю.

Максимъ.

О семѣ убо како не пшует-
ти ся. и кто днесъ сими изо-
било.

Билодатель, и добрѣвѣдецъ онѣмъ есть, не изслѣдимымъ любомудріямъ: Аѳинская бо люботочительства угасоша, Еллинская же любомудрія умолкоша. Луванія ли убо премудрѣйшаго въ сіе любомудріе учителя си обрѣте.

Вопроси пый.

Сими мя оскорбляеши глаголя, азъ бо не отъ сихъ вразумитися уповаю, но непщую и тебе сія добрѣ водяща, велика ти отъ Бога благодать настоитъ, аще отъ первыхъ и нижайшихъ, къ симъ высочайшимъ, по разуму возведеши мя. и скажи ми паки вопрошаю тя о долготѣ еже въ семъ косненіа любоученію.

Максимъ.

Тѣмже истинствую ти глаголя, о боголюбезный люборачителю, яко не единовременно

убо сія подається нскрѣ желаю-
щому, но многихѣ временѣ ко-
снѣніа сей требуєтѣ, и пре-
множайшаго и зѣло люборади-
ваго поща же и труда. Яко
же великая наша свѣтила,
Василій и Григорій, до три-
десятнаго лѣта во Аѳінскихѣ
учителницахѣ продолжиша: та-
ко же и прочіи медленіємъ вѣ-
семѣ себе доволиша, а не при-
косомъ ю пріяша.

Вопроси пыі.

Имамѣ бо надѣяніе на пре-
блжайшаго и многомилости-
ваго своего смыслодавца и Вла-
дыку Христа, рекѣ бо есть
сей всепречистыми своими и не-
ложными усты, яко просяще-
му у мене дамѣ, и толкуще-
му отверзу. обаче буди ми
споспѣшникѣ вѣ показаніе, не
удобѣ ми разумѣваемымѣ, да
сугубосложное си воспріимеши
отѣ него любодареніе.

Мак.

Максимъ.

Мене ли паки на сіе понуждаеши, во еже ми сими любомудрствовати. азъ и самъ и учимыхъ ни на еще не дошедъ, то како инѣхъ возучительствовати дерзну, и къ сему превысочайшему вышесловесному люборачителству приступлю. весма убо се нѣсть дѣло мое, но велика и не поколебима сіе дѣло достойно, и зѣло веледушно и многотременно поща и труда требователно есть.

Вопроси пый.

Яже пріялъ еси отъ Бога, убѣждаю тя именемъ самаго того Спасителя нашего, не таебно показати ми, еже есть всѣяно въ словолюбезной души твоей, да не презорства тяжчайшій судъ подымеши. аще ли же сотвориши ми велелѣпное сіе и треблажайшее, мздовоздательство пріимеши.

Мак-

Максимъ.

О сихъ не лицѣмѣривъ ни презоривъ реку ти, но яко есть истинствовавъ и безъ обиневенія. нѣсть днесъ въ родъ нашемъ сей права и достовѣрна разумѣвателя, не изслѣдима бо есть и недовѣдома. Аще кто о сей любомудрствовати уповаетъ, но нѣсть ему сего правъ вѣдѣти, но яко о азъ маломъ прикосновеніемъ, ли вѣсть, или не вѣсть. азъ бо понуждаемъ на сіе дерзаю. прочее Богу оставляю, тебеже отъ сего не возражаю, обаче той мощенъ есть, и отъ бездушныхъ и безсловесныхъ, душетворна и словесна сотворити; коль же паче въ насъ мощенъ есть словодапника и словоположника показати, множае убо въ насъ вышеестественная содѣловати воленъ есть. емуже слава во вѣки вѣкомъ, аминь.

II.

Сослопіе именъ по азѣ пѣри, спя-
тыхъ суицихъ пѣ спятцахъ, съ
толкованіи Словенска языка.

Аввакумъ, борецъ сильный.
Декабря, 2.

Авдій, рабъ Господень. Но-
емвріа, 19.

Аверкій, дерзновененъ. Ок-
тября, 22.

Авівъ, Ноемвріа, 15.

Авімъ, Августа, 30.

Авраамъ, отецъ многихъ
народовъ. Октовріа, 9.

Аврамій, богатъ, Октября,
29. Авг. 21.

Агавъ, свѣплый. Апрѣля, 8

Агаѳаггелъ, благовѣстникъ.
Генваря, 23.

Агаѳіа, благая. Февраля, 5.

Агаѳонікъ, благопобѣдный.

Августа, 22.

Ага-

АгаѳоподѢ , благоножный.
АпрѢля , 5.

Агапіа , ж , любимая. АпрѢ-
ля , 16.

Агапій , любимѢ. Марта ,
15 . Августа , 21.

Аггей , веселый. Декабря , 16.

Агріпіна , проста , Іюніа , 23.

АдамѢ , человѢкъ , или Зем-
скій.

АдріанѢ , Августа , 26.

Азарій , а , помощь Госпо-
дня. Декабря , 17.

АнеалѢ , приснорастущѢ. Сен-
тября . 1.

Аѳанасій , безсмертенѢ. Ок-
тября , 24. Генваря , 18.

АѳиногенѢ , вѢ ЛѳинѢхѢ ро-
жденѢ. Іюля 16.

Ауксентіій , растителенѢ.
Декабря , 13. Февраля , 14.

АугономѢ , самозаконникѢ.
Сентября , 12.

Акакій , не злобивый. Ноя-
бря , 29. Августа , 17.

Аке-

Акепсимѣ, съ смѣхомѣ бѣсѣдуй. Ноемвріа, 3.

Акіндинѣ, безбѣдникѣ. Ноября, 2.

Акутіонѣ, имя чепца. Апрѣля, 21.

Акула, имя Апостолу, болящій. Іюня, 14.

Акулина, орлица за благоу рѣчіе. Іюня, 13.

Александрѣ, помощь мужественная. Октября, 22, Ноемвріа, 23.

Александра, ж, запаленіе. Априля, 22.

Алексій, пособителенѣ, помощникѣ. Марта, 17.

Алумпій, беспечальный. Ноемвріа, 26.

Амбросій, безсмертный. Декабря, 7.

Амфілохій, отѣ двою рожденѣ. Ноемвріа, 23.

Амосѣ, долготерпѣливѣ. Іюня, 13.

Анеїмъ , цвѣтнѣй. Сентя-
бря , 2.

Антупа , для всѣхъ , или
противенъ всѣмъ. Априля. 11.

Антоній , свѣше даный. Де-
кабря , 7. Генв. 17.

Анѣсія , совершителница.
Декабря , 30.

Апфіа , выводячая. Ноем-
вріа. Февраля , 14.

Ареѣа , добродѣтельный. Ок-
тября , 24.

Афеоній , не завистный ,
Ноемвріа , 2.

Афраатъ , Генваря , 29.

Африканъ , Априля , 10.

Вавула , мятежь. Сентября , 4.

Варѣоломей , сынъ замѣша-
ющаго воды. Іюня , 11.

Варсонофій. Октября , 4.

Висаріонъ , полный. Ноем-
вріа , 29. Априля , 6.

Винфантій , потечникъ. Де-
кабря , 19.

Вакхъ , провождай. Ок-
тября , 7.

Вс-

ВуссонѢ, порочра, паволока.
ВуколѢ, волопасѢ. Оевра-
ля, 6.

ВалеріанѢ, Сентября 14.

Варахія, сынѢ ученѢ.

Варвара, крѢпка. жен. Де-
кабря, 4.

ВарѢ Іона, сынѢ голубицѢ,
Марта, 16.

ВарлаамѢ, сынѢ благѢ. Ноя-
бря, 19.

ВарварѢ, грубый, неукѢ,
Маіа, 6.

ВаріисусѢ, сынѢ имени,
дѢянїа, 13.

Варнава, сынѢ утѢшенїа,
дѢянїа, 4. Іюля, 11.

Варсава, сынѢ обращенїа.
дѢянїа, 1. Декабря, 12.

ВарухѢ, благословенный. Іе-
ремїй, 32.

Василїй, царьскїй, Генва-
ря, 1.

ВасилискѢ, Марта, 3.

Васса, ж, обращенїе. Авгу-
ста, 22.

В

Вас-

- Вассой, Марта, 6.
Венедіктъ, Лаш. благосло-
венъ. Марта, 14.
Венедімъ. Маіа, 18.
Гавріилъ, мужъ Богъ, или
божій. Марта, 26.
Гаій, панъ, дѣянiя, 19.
Ноемврiа, 5.
Галактiонъ, млека полнъ.
Ноемврiа, 5.
Герасимъ, честный. Мар-
та, 4.
Гервасій. Октября, 4.
Германъ, крѣпкоуменъ.
Маіа 12.
Георгій, земледѣлецъ.
Априля, 23.
Глукерiа, сладостная. Маіа, 13.
Глѣбъ. Сентября, 5.
Голендуха, Юля, 12.
Гордiй. Генваря, 3.
Гордіанъ. Сентября, 13.
Гурiй, присноравенъ, Ок-
тября, 4. Ноемврiа, 15.
Григорiй, остроуменъ, Но-
емврiа, 17.

Грам-

Грамматика, добраго писанія и реченія наука, первое ученіе отъ седми свободныхъ художествъ.

Давыдъ, добль рукою, или кротость, возлюбленный. 1. царств. 17. Декабря, 26.

Дадъ. Сентября, 29.

Даміанъ, злопитатель. Октября, 17.

Даніилъ, судъ Божій. Декабря, 17. Февраля, 16.

Дарія възскающая. Марта, 19.

Димитрій, плодъ земный. Октовріа, 26.

Діогенъ, презацный. Декабря, 5.

Діомудъ, дивенъ совѣтникъ. Августа, 16.

Діонисій, двоеостровный. Октября, 3.

Дометій, свыше дарованный. Октября, 16.

Дометіанъ, домашникъ. Генваря, 10.

Донатъ, дарованный.

Доровей, даръ Божій.
 Дорумедонтъ, копіемъ цар-
 ствуя, Сентября, 9.
 Домника, Госпожа. Ген. 8.
 Евдокіа, благоволеніе. Мар-
 та, 1.
 Екаперина, надежда истин-
 на. Ноемвріа, 24.
 Елеазаръ, Божія помощь.
 Августа, 1.
 Елезвой. Октября, 23.
 Елена. Маіа, 23.
 Елевѣерій, любочестенъ. Де-
 кабря, 15.
 Елісей, Богъ спасаей. Ю-
 ня, 14.
 Елладій, Гречинъ. Маіа, 27.
 Елпидіфоръ, надежденосецъ.
 Ноемвріа, 2.
 Емеліанъ, разуменъ. Ген-
 варя, 8. Юля 2.
 Елпидій, надежденъ. Мар-
 та, 7.
 Епенетъ, хвалебный. римъ.
 16. Юля, 30.

ЕпімахѢ, ратникѢ силенѢ.

Октября, 31.

Епистиміа, хитрость, ремесло.

Епіфаніа, указаніе, объявленіе. отъ сего день святыхѢ богоявленіи. Генваря, 6.

Епифаній, объявленѢ, или славный. Маія, 12.

Епихаріа, всѢмѢ любая. Сентября, 27.

ЕразмѢ, любый. Февраля. 24.

ЕрастѢ, милый. Ноемвріа, 10.

Ерма, имя Апостолу не скланяемо. АпрѢля, 8.

ЕрміппѢ, речистѢ, конникѢ. Іюля, 26.

Ерміона, ж. Сентября, 4.

Еремій. Маія, 1.

ЕрмогенѢ, речистѢ рожденіемѢ. Сентября, 30. Декабря, 10.

Ермолай, сила людій. Іюля. 26.

Еѡа, жизнь, животѢ.

Еѡангеліе. благовѣщеніе, добрая вѣсть.

ЕвангелистѢ, благовѣстникѢ.

ЕрмѹлѢ, Генваря, 13.

Ерошѣида, ж. Октовріа, 27.

Еѡанеѣа, ж, Сентября, 1.

Еѡагріа, щасливое поиманье.

Еѡагріѣ. добрѢ ловѢ.

ЕѡѡулѢ, добрый рядца.
Ноемврѣа, 28.

Еѡгеніѣ, благороденѢ. Де-
кабря, 13. Генваря, 21.

Еѡгеніа, благородная. Дека-
бря, 24.

ЕѡграфѢ, доброписецѢ. Де-
кабря, 1.

Еѡдокіа, благоволеніе. Мар-
та, 1.

ЕѡдокимѢ, благоискусенѢ.
Юля, 13.

Еѡдоксіѣ, доброславенѢ. Сен-
тября, 6.

Еѡдоксіа, доброславная.

Еѡѡиміа, достохвалная. Но-
емврѣа, 19.

Еѡѡѡміѣ, веселый. Генва-
ря, 20.

Еѡкра-

Еукратій, благодержавный.
Октября, 21.

Еулогій, благословенный. Фе-
враля, 13.

Еуменій, милосердѢ, мило-
стивѢ. Сентября, 18.

Еуникіа, благопобѣдная,
Октября, 28.

ЕунухѢ, скопленный человѣкъѢ.

ЕвродѢ, благопутный. Сен-
тября, 1.

Евродіа, добрый запахѢ.
Февраля, 4, 2.

ЕуплусѢ, добрѢ плаватель.
Августа, 11.

ЕупраксѢа, 11, щасливаа.
Юля, 25.

Еупрепій, благолѣпный.

Еусевій, благочестивѢ. Ю-
ля, 22.

ЕусеонѢ. Априа, 1.

Еустафій, истиненѢ, твердѢ.
Сентября, 20.

Еусполіа.

Еустратій, благѢ воинѢ.
Декабря, 13.

Еутропій , благообразенъ.
Марта , 3.

Еутухіа , щасливаа. Сентя-
бря , 4.

Еутухіанъ , щасливый. Сен-
тября , 2.

Еутухій , благочастливъ.
Августа , 6.

Еуфиміа , благославнаа. Сен-
тября , 16.

Еуфрасіа , учтиваа радость.
Мая , 18.

Еуфросініа , доброе веселіе.
Сентября , 25.

Еуфросінъ , радость при-
носящій. Маія , 15.

Еухарісъ , милый веселый.

Еупсυχій , благодушенъ. Сен-
тября , 7.

Еффектъ , изводство.

Ефремъ , плодовитъ. Ген-
варя , 28. Маія , 26.

Захаріа , память Божія Го-
сподня. Сентября , 5.

Зинаіда. Октября , 30.

Зино-

Зиновій, чистожителъ. Ок-
тября, 1.

Зиновѣ. Сентября, 6.

Зотикѣ. Сентября, 13. Де-
кабря, 30. Априля, 22.

Зонсѣ. Декабря, 18. Маія, 2.

Зосимѣ, Априля, 17.

Иліа, Божіа крѣпость. Ю-
ля, 20.

Иродіонѣ, спѣваніе. Апри-
ля, 8.

Исаіа, спасѣ Господень.
Маія, 9.

Исхій, безмолвникѣ, мол-
чаливѣ.

Іаддей, зри Келевій. Ав-
густа, 21.

Іалелѣй, цвѣтуши масли-
на. Маія, 8.

Іекла, преславнаа. 24.

Іеогній, Августа, 21.

Іеодосіа, богоданна. Маія, 29.

Іеодосій, божіе дааніе. Ген-
варя, 11.

Іеодотій, богомъ данѣ.
Марта, 2.

ΘεοδοτѢ, благоуханѢ. Мар-
та, 2.

ΘеодулѢ, божій рабѢ. Октя-
бря, 28.

Θеодуліа, жен. Февраля,

ΘеодорѢ, божій дарѢ. Сен-
тября. 19. 20.

Θеодора, ж, богодарован-
ная. Сентября, 11.

ΘеоктістѢ, богомѢ созданѢ.
Сентября, 3. 6.

Θеоктістіа, жен. Ноем-
вріа, 9.

ΘеопентѢ, богонареченный.
Генваря, 5.

Θеопрепій, боголѢпѢ, Ав-
густа, 22.

ΘеостиріктѢ, БогомѢ уп-
верженѢ.

ΘеофанѢ, богоявленѢ. Сен-
тября, 9. Октября, 11.

ΘеофілѢ, боголюбецѢ, Де-
кабря, 2. Марта, 6.

ΘеофілактѢ, богомѢ хра-
ненѢ. Марта, 8.

Θера-

Θεραпонѣ, рабѣ угодникѣ.

Маіа, 27.

Θεона, ж, Богѣ. Генваря, 5.

Θυрсѣ, жезлѣ, или вѣтвь.

Декабря, 14.

Θома, двоякій. Октября, 6.

Іюля, 7.

Іаковѣ, Евр. запиначель.

Октября, 9.

Іамвлихѣ, Октября, 22.

Іаннуарій, Апрѣля, 22.

Іассонѣ, лѣчащій. Априля, 28.

Ігнатіи, честь. Декабря, 20.

Іезекіиль, Іюля, 21.

Іеремій, а, высокость.

Маіа, 1.

Іероѡей, освященѣ отъ Бога.

Октября, 4.

Іисусѣ, избавитель. Сентя-

бря, 1.

Іларій, веселый. Іюля, 12.

Іларіонѣ, тихомиренѣ. Ок-
тября 21.

Іпполутѣ, конецѣ, разрѣ-
шитель. Генваря 30.

Іринархѣ.

Іриней.

Іриней.

Ірира.

Ісаакій, равно врачъ. Априля, 27.

Ісидоръ, желѣзо, или равенъ дары. Февраля, 4.

Ісмаиль, выслуханіе Божіе. Іюня, 17.

Іоакимъ, господское приготавленіе, Сентября, 9.

Іоаннъ, Евр благодать Господня. Сентября, 26.

Іоаникій, благодати полнъ. Ноября, 4.

Іоасафъ, Ноября 19.

Іовъ, твердъ. Маіа, 6.

Іоиль, любовь Божіа. Октября, 19.

Іона, голубица. Сентября, 21. Маіа, 27.

Іосифъ, помноженіе. Декабря, 26. Априля, 4.

Іакинѣъ, камень яхонтъ. Іюль, 18.

Іпатій, достоинъ, но и вышшій судіа.

Кал-

КаллінікѢ, добропобѣдникѢ.

Іюля, 29.

КаллистрѢ, предобрѣйшій.

Калліста, ж, прелучшая.

Сентября, 1.

КаллістраѢ, добръ воинѢ.

Сентября, 27.

Капетоліна, жен. Октя-

бря, 27.

КапітонѢ, князь. Марта, 7.

КарпѢ, плодовитый. Октя-

бря, 13.

КаріонѢ, орѣхѢ. Декабря, 5.

КасіанѢ, муриноситѢ. Фе-

враля, 29.

Келсій, высокій. Октября, 14.

КинтіліанѢ, Августа, 28.

Іюля, 28.

КирѹкѢ, отѢ вѣсти. Іюля, 15.

КѹрѢ, ГосподинѢ. Генва-

ря, 31.

КупріанѢ, плодѢ зрѣлѢ.

Октября, 2.

КѹріакѢ, госпоскій. Сентя-

бря, 29.

Кѹріакіа, Іюля, 7.

Кѹ-

Куріллъ , почтенъ , или
малъ господинъ.

Клавдій , голосъ , плачли-
вый.

Клавдіа , жена.

Клеонікъ , славенъ побѣди-
тель. Марша , 3.

Климентъ , покорный, Лаш.
Ноября , 25.

Кондратъ , Лаш. дѣлатель.
Сентября , 21.

Кононъ , отправа. Марша , 5.

Корнилій , рогъ , или рогатъ.
Сентября , 13.

Косма , миръ , или украси-
тель. Октября , 12.

Кріскентъ , растущій. Ю-
ля , 30.

Кронідъ , Кроновъ.

Константинъ , Лаш. твердъ,
Маіа , 21.

Куартъ , Лаш. четвертый.

Лаверъ , улида тѣсная. Ав-
густа , 18.

Лаврентій , многолюденъ.
Августа , 10.

Лазарь ,

Лазарь , мертвѢ связанѢ.
Октября 17. Ноября , 7.

ЛевѢ , Царь. Февраля , 20
Леонтій , Ел. львѢй. Фев-
раля , 18.

Левкій , бѢлѢ. Декабря , 14.
ЛінѢ , сѢтъ.

ЛоггінѢ , долгій. Октября 16.

ЛукіанѢ , чюдень. Октяб-
ря , 15.

Лука , Евр. воскрешаяй.
Октября , 18.

ЛуппѢ , Лат. волкѢ. Ав-
густа , 23.

ЛотѢ , обвиненый. Октя-
бря , 9.

Мавра , черна. Маіа , 3.

Макарій , блаженѢ.

Макріна , долгоумна. Ю-
ля , 19.

Макровій. Сентября , 13.

Малахія , АнгелѢ. Генваря , 3.

МамантѢ , Лат. персѢ.

Мамелхва. Октября , 5.

МануилѢ , лице Божіе. Ю-
ля , 17.

Мак.

Максімъ , славенъ. Ноем-
вріа , 11. Генваря , 21.

Максимилианъ. Октября , 22.

Мардарій, камень сіятеленъ.
Декабря , 13.

Маріа , или Маріамъ, госпо-
жа. Априля , 30.

Маріаміа. Феврала , 17.

Маріа , морскаа. Юля , 17.

Маркелъ.

Маркіанъ ; помыслитель.
Октября , 25.

Марко , совершенъ. Декабря ,
18. Марта , 29. Априля 25.

Мартиніанъ , свыше свидѣ-
тельствованъ. Феврала , 13.

Мартирій, исповѣдникъ, Ок-
тября 25.

Матѣей дарованный. Нояб-
ря , 16.

Матѣй , даръ господскій.
Августа , 9.

Матрона, учтиваа. Ноября, 9.

Меоодій , наученъ хитро-
сти Маія 11. Юля. 20.

Меланія , черна лицемѣ. Де-
кабря 31.

Мелетій , поучителенѣ. Фе-
враля , 12.

Мемнонѣ. Августа 29.

Меркурій , проповѣданный.
Ноября 24.

Мина, мѣсячный. Ноября, 11.

Минодора , мѣсячный дарѣ.
Сентября , 10.

Мишродора, матерній дарѣ.
Сентября. 10.

Митрофанѣ , матероявленѣ,
Юня , 4.

Місаилѣ , пожаданный. Дека-
бря , 17.

Михаилѣ , Божій воевода.
Сентября 6.

Міхеа , убогій. Августа. 14.

Миронѣ. Августа , 17.

Мокій , завидецѣ. Маіа , 11.

Моусей , принятый отѣ во-
ды. Сентября , 4.

Назарій , отлученый. Ок-
тября , 14.

Наркісѣ.

НаумЪ, покой, мудрость,
честь. Декабря, 1.

НеофѣтЪ, новорожденный.
Генваря, 21.

НікандрЪ, побѣдный мужЪ.
Ноемврѣа, 4.

НіканорЪ, Елл. побѣда му-
жей. Юля, 28.

Нікиѣа, побѣдитель. Сен-
тября, 15.

НікіфорЪ, побѣдоносецЪ.
Марта, 12.

НикодимЪ, Евр. невинный.
Октября, 31.

Нікола, побѣда людская.
Декабря, 6.

НіконЪ, побѣдникЪ. Ноем-
врѣа, 7.

НіфонѣтЪ. Априля, 8.
Нѣмфодора, невѣстный
дарЪ: Сентября, 10.

НонЪ, единый, Октября, 8.

Ксеніа, странна. Генваря, 24.

КсенефонѣтЪ, страненЪ
мужЪ. Генваря, 26.

КсістЪ.

Ксено-

КсенѡдохѢ, страннопріем-
ный.

КсінонѢ, страннопріемни-
ца.

Ольга, зри Елена. Іюля, 11.

Олѹмпіада, четвертолѢтіе.

Іюля, 22.

ОлѹмбѢ, отѢ небесѢ. Ноем-
брія, 10.

ОнисімѢ, пожиточный. Фе-
враля, 10.

ОнисіфорѢ, пожитокѢ при-
носячій. Ноембрія, 9.

Онуфрій, Іюня, 12.

ОрестѢ, угодникѢ Богу. Де-
кабря, 13.

ПавелѢ, уста трубы. Ію-
ня, 29.

ПавлінѢ, Маіа, 18.

Пагкратій, всѢми владѢяй.
Іюня, 9.

Паладій.

Памво, Нитріи житель. Ію-
ля, 18.

ПантелеймонѢ, ПаламонѢ.
Іюля, 27.

Пантелеймонъ , всемило-
стивъ. Іюля , 27.

Папула , имя Діакона. Ок-
тября , 13.

Парасковіа.

Парамонъ , терпливе прва-
ючій.

Парменъ , чекаючій. Іюля , 25.

Потапій , не поткновенъ.
Декабря , 8.

Патрикій , Маіа , 19.

Патровъ , Елл. отъ чистый.
Ноемвріа , 10.

Павла , жен. Генваря , 3.

Пафнутіи , Маіа , 30.

Пахомій , толстѣ плечима.
Маіа , 15.

Пелагіа , ближица , пучинная.
Октября , 8.

Петръ , опока отъ опоки.
Іюня , 25. 29.

Пімінъ , пастырь. Авгу-
ста , 7.

Пугасій , криничный , жере-
ловъ.

ПлатонѢ, простертѢ, широкѢ. Ноемвріа, 18.

ПолуксѢ, многомилостивенѢ.

ПолукарпѢ, многоплоденѢ. Февраля, 23.

Помпій, Лат. явный. Априля, 10.

Пареній, двуственникѢ. Февраля, 7.

Порфурій, багрянѢ, или черменѢ. Февраля, 16.

ПровѢ, предводитель. Октября, 12.

ПрохорѢ, первостранникѢ, Юля, 28.

Протерій, первѣйшій. Февраля, 28.

ПрезвѣтерѢ, старѣйшій священникѢ. зри попѢ.

Прокопій, пресѣченѢ. Юля, 27.

Протасій, предчинный. Октября, 14.

Просфира, приносѢ, хлѣбѢ въ святой литургіи.

РодіонѢ. Ноября, 10.

Романа, жена.

РомулѢ. Сентября 6. Мар-
та, 15.

РоманѢ, крѣпокѢ. Октя-
бря, 1.

РафаилѢ, ДухѢ Божій. Апо-
столѢ пар. 26. 7.

Риторіка, лѣпоглагольная
наука, третія отъ свободныхѢ.

Сава, Декабря, вѢ 5, Апрі-
ля, 24.

Саватій. Сентября, 27.

СадоеѢ. Октября, 19.

СамуилѢ, положеный отъ
Бога. Февраля, 16.

СамонѢ, яростный. Ноября,
15.

СампсонѢ, солнце его.

СевастіанѢ, чести досто-
инѢ. Декабря, 18.

СеверіанѢ, окружный, Сен-
тября, 9.

СелевкѢ, взрушенный.

СерапіонѢ, Егип. Серафим-
скій. Марта, 16.

Сергій,

Сергій, Елл. славенѣ. Ок-
тября, 7, и 25.

Селивестрѣ.

Сілуанѣ, славенѣ. Іюля, 30.

Сисой, смиренѣ. Іюля, 6.

Соломонія, мирная.

Софія.

Софоній, Декабря, 3.

Спирідонѣ, молніеносецѣ.

Стефанѣ, Елл. вѣнецѣ.

Стефанида, поже.

Страпоникѣ, воиномѣ по-
бѣда. Генваря, 13.

Сугклистика, сенаторка. Ген-
варя, 5.

Сула, имя апостола. Іюля, 30.

Сүмеонѣ, знаменіе.

Созонтѣ, спасенѣ спаситель.

Сосіпатрѣ, спасаей отецѣ.

Априля, 28.

Сосѣ, Априля, 21.

Софроній, цѣломудренный.

Марта, 11.

Сілуанѣ, лѣсникѣ дикій.
Іюля, 30.

Тавіоа, Свр. серна. дѣя-
нія. 9. 36.

Тарасій смущеный. Февра-
ля, 25.

Ташіана, повелительница.
Генваря, 12.

Текуса, рождьшая. Маія, 18.

Терентій, глубокоуменъ.
Октября, 28, Августа, 10.

Тертій, Лат. третій. Ноя-
бря, 10.

Тімошей, богомъ почтенъ.
Генваря, 22.

Тімолай, честь людская.

Тімонъ, честенъ. Юля, 29.

Тіпъ, Елл. учтивый, Ав-
густа, 2. Августа, 25.

Тухонъ, Юня, 16.

Трофімъ, питатель. Сен-
тября, 19.

Труфонъ, пріемляй дни
благі. Февраля, 30.

Уалентъ.

Уаллеріанъ.

Уаллерій.

Уаръ, покой. Октября. 19.

Урванъ,

Урванѣ, обычайный. Октя-
бря, 31.

Фаіна, жена. Маія, 18.

Фармовѣй, Апрѣля, 11.

Фаустѣ, Сентября, 6.

Февронія, Іюня, 25.

Філаретѣ, Декабря, 1.

Філимонѣ, Ноября, 22.

Філіппѣ, Октября, 11.

Філоѡей, другѣ божій. Сен-
тября, 15.

Філологѣ, Ноября, 2.

Філоніла, Октября, 11.

Філуменѣ, Ноября, 29.

Флегонтѣ, палящѣ. Апрѣ-
ля, 8.

Флорѣ, цвѣтенѣ. Авгу-
ста, 18.

Фока, славенѣ. Сентября.
24. Іюля, 22.

Фотій, свѣтелѣ. Октяб-
ря, 28.

Фотинія, Февраля, 26.

Харлампій, радостосіате-
ленѣ. Февраля, 10.

Харітіна, благодати полна.
Октябрю , 5.

Харітонъ, благодатей исполненъ. Сентябрю , 9.

Хіонія, снѣжная. Апрѣля, 16.

Хрістіна, Іюля , 24.

Хрістофоръ, Хрістоносецъ.
Маія , 9.

Хрусанѣъ, златоцвѣтенъ.
Марта , 19.

*Грамматическое истолкованіе мо-
литвы Царю Небесный и Отче
нашъ.*

Царю: Часть первая: имя
собное, по свойству, и по есте-
ству, а не по причастію: отъ не-
уравняемыхъ: рода мужескаго:
вида первообразнаго: числа един-
ственаго: начертанія проста-
го: падежа звателнаго: склоне-
нія четвертаго.

Небесный. Часть первая, имя
отъименное, неуравняемыхъ,
третіяго прилагательныхъ раз-
дѣленія. рода мужескаго. вида
производнаго. числа единствен-
наго. начертанія простаго. па-
дежа звательнаго. склоненія пя-
таго.

Утѣшителю. Часть 1 я. имя
собное отъ неуравняемыхъ. ро-
да мужескаго. вида первообраз-
наго. числа единственного. на-
черта-

чертанія простаго. падежа зва-
тельного. склоненія, 4 го.

Душе. Часть первая, имя
собное отъ неуравняемыхъ. ро-
да мужескаго. вида первообраз-
наго. числа единственнаго. на-
чертанія простаго. падежа зва-
тельного. склоненія втораго.

Истинный. Часть 1 я, имя
отъименное отъ неуравняе-
мыхъ. рода мужескаго. вида
производнаго. числа единствен-
наго. начертанія простаго. па-
дежа звательного. склоненія 5 го.

Иже. Часть 5 я различіе. ро-
да мужескаго. числа единствен-
наго. падежа праваго.

Вездѣ. Часть шестая нарѣчіе.
знаменованія на мѣстѣ къ вопро-
шенію. начертанія простаго.

Сый. Часть третія, при-
частіе, еже во глаголѣ. рода
мужескаго. начертанія проста-
го. числа единственнаго. падежа
праваго. времени настоящаго.
залога средняго.

И. Часть осмая, соузѣ. начертанія простаго. знаменова-
ніа сопрягательнаго. чина пред-
лагательнаго.

Вся. Часть первая, имя при-
лагательное. рода всякаго. ви-
да производнаго. числа един-
ственного. начертанія простаго.
падежа виновнаго. склоненія пя-
таго.

Исполняя. Часть 3. я гла-
голѣ дѣепричастный. рода му-
жескаго. числа единственного.
падежа праваго. времени насто-
ящаго. залога дѣйствительнаго.

Сокропище. Часть 1. я, имя
собное. рода средняго. вида
первообразнаго. числа единствен-
наго. начертанія простаго. па-
дежа праваго. склоненія втораго.

Благихѣ. Часть первая. имя
прилагательное, неправильнаго
уравненія. рода мужескаго. вида
производнаго. числа множест-
веннаго. начертанія простаго.
падежа роднаго. склоненія 5 го.

И.

И. Часть осмая союзѢ. начертанія простаго. знаменованія сопрягательнаго. чина предлагательнаго.

Жизни. Часть первая, имя нарицательное отѢ неуравняемыхѢ. рода женскаго. вида первообразнаго. числа единственного. начертанія простаго. падежа роднаго. склоненія третіяго.

Подателю. Часть первая. имя собное отѢ неуравняемыхѢ. рода мужескаго. вида первообразнаго. числа единственного. начертанія простаго. падежа звательнаго. склоненія 4го.

Прииди. Часть 3 я глаголѢ. залога дѣйствительнаго. начертанія сложнаго. вида совершенна, числа единственного. лица втораго, наклоненія молибельнаго. времени будущаго, рода всякаго, спряженія перваго.

И. Часть осмая союзѢ, начертанія простаго, знаменованія
нія

нія сопрягателнаго, чина предлагателнаго.

Вселися. Часть третія глаголѣ, залога дѣйствительнаго. начертанія простаго, вида совершеннаго, числа единствительнаго, лица втораго, наклоненія молителнаго, времени будущаго. рода всякаго, спряженія втораго.

Вѣ. Часть седмая предлогѣ: по счиненію падежа виновнаго.

Ны. Часть вторая въ мѣстоименіе, вида первообразнаго. качества указательнаго, рода всякаго. числа множественнаго, начертанія простаго, лица перваго. падежа виновнаго, склоненія перваго.

И. Часть осмая союзѣ, начертанія простаго. знаменованія спрягателнаго, чина предлагательнаго.

Очисти. Часть третія глаголѣ, залога дѣйствительнаго. начертанія сложнаго, вида совершен-

шеннаго. числа единственнаго, лица втораго. наклоненія молительнаго, времени будущаго. рода всякаго, спряженія втораго.

Ны. Часть вторая, вмѣсто имени. вида первообразнаго, качества указательнаго, рода всякаго. числа множественнаго, начертанія простаго. лица перваго, падежа виновнаго, склоненія перваго.

Отъ. Часть седмая, предлогъ. по счиненію падежа роднаго.

Всякія. Часть первая, имя прилагательное, отъ неуравняемыхъ. рода женскаго, вида производнаго, числа единственнаго. начертанія простаго, падежа роднаго, склоненія пятаго.

Скперны. Часть первая имя нарицательное отъ не уравниваемыхъ. рода женскаго, вида первообразнаго. числа единственнаго. начертанія простаго. падежа роднаго. склоненіи перваго.

И: Часть осмая, соузъ, начертанія простаго, знаменова-
нія сопрягателнаго, чина пред-
лагателнаго.

Спаси: Часть третія гла-
голъ. залога средняго, начерта-
нія простаго. вида совершеннаго.
числа единственнаго, лица вто-
раго. наклоненія молительнаго.
времени будущаго, рода всяка-
го. спряженія перваго.

Блаже: Часть первая. имя
собное, неправилнаго уравни-
нія. рода мужескаго. вида про-
изводнаго. числа единственна-
го, начертанія простаго, па-
дежа звателнаго, склоненія пя-
таго.

Душя: Часть первая. имя
нарицательное, отъ неуравняе-
мыхъ. рода женскаго. вида
первообразнаго, числа множе-
ственного. начертанія простаго,
падежа виновнаго, склоненія
перваго.

Наша : Часть вторая , вмѣсто имени. вида производнаго , качества притяжательнаго. рода женскаго. числа множественнаго , начертанія простаго , лица перваго. падежа виновнаго , склоненія четвертаго,

Сій стихъ, по осмочастному же
разуму розписанъ.

Отче: Часть первая. имя
собное по свойству и по есте-
ству а не по причастію, не-
уравняемое. рода мужескаго,
вида первообразнаго, числа
единственнаго. начертанія про-
стаго, падежа звательнаго,
склоненія втораго.

Нашъ: Часть вторая, вмѣ-
сто имени, вида производнаго.
качества прикрасительнаго, ро-
да всякаго, числа множествен-
наго. начертанія простаго, лица
перваго. падежа праваго, скло-
ненія четвертаго.

Иже: Часть пятая, разли-
чье, рода мужескаго. числа един-
ственнаго, падежа праваго,

Еси: Часть третія, глаголѢ стропотный. залога средняго, начертанія простаго. вида совершеннаго, числа единственнаго, лица втораго. наклоненія изѢявительнаго, времени настоящаго. рода всякаго, спряженія обоего.

На: Часть шестая, предлогѢ, по счиненію падежа сказательнаго.

НебесѣхѢ: Часть первая, имя нарицательное отѢ неуравняемыхѢ, рода средняго, вида первообразнаго, числа множественнаго, начертанія простаго, падежа сказательнаго, склоненія втораго.

Да спятится: Часть третія, глаголѢ, подчинительный. залога отложительнаго, начертанія сложнаго. вида совершенна, числа единственнаго, лица втораго. наклоненія подчинительнаго.

телнаго , време не будущаго.
рода всякаго , спряженія вто-
раго.

Имя: Часть первая, отъ не
уравняемыхъ. рода средняго.
вида первообразнаго. числа един-
ственного, начертанія проста-
го, падежа виновнаго, склоненія
втораго.

Тпое : Часть вторая вмѣ-
сто имени. вида производнаго,
качества припяжательнаго. рода
средняго, числа единственного.
начертанія простаго, лица вто-
раго. падежа виновнаго, склоне-
нія четвертаго.

Да приидетъ: Часть третія,
глаголъ подчинительный. залога
дѣйствительнаго, начертанія слож-
наго. вида совершенна, числа
единственного. лица втораго,
наклоненія молителнаго. време-
не будущаго. рода всякаго, спря-
женія перваго.

Царстїе: Часть первая, имя нарицательное не уравниваемыхъ, рода средняго, вида первообразнаго. числа единственнаго, начертанія простаго, падежа праваго, склоненія втораго.

Тпое: Часть вторая, вмѣсто имени. Писано выше.

Да будетъ: Часть третія глаголѣ подчинительный, залога средняго, начертанія сложнаго, вида совершеннаго, числа единственнаго, лица втораго, наклоненія молительнаго, времени будущаго, рода всякаго, спряженія перваго.

Воля: Часть первая, имя нарицательное отъ неуравняемыхъ. рода женскаго, вида первообразнаго. числа единственнаго, начертанія простаго. падежа праваго, склоненія перваго.

Тцоя:

*Т*доя: Часть вторая, вмѣсто имени. вида производнаго, качества прикрасительнаго. рода женскаго, числа единственнаго, начертанія простаго. лица втораго, падежа праваго, склоненія четвертаго.

*Я*ко: Часть шестая нарѣчіе, вида первообразнаго. начертанія простаго, уравненія положительнаго, знаменованія уподобительнаго.

*Н*а: Часть седмая, по счисленію падежа дательнаго.

*Н*ебеси: Часть первая, имя нарицательное отъ неуравняемыхъ. рода средняго, вида первообразнаго, числа единственнаго. начертанія простаго, падежа дательнаго, или сказательнаго, склоненія втораго.

И: Часть осмая союзъ, начертанія простаго. знаменова-

ніа сопрягательнаго . чина предлага-
тельногонаго.

На : Часть шестая предлогъ,
по счиненію падежа роднаго и
дательнаго и сказательнаго.

Земли : Часть первая, имя
нарицательное отъ неуравняе-
мыхъ. рода женскаго , вида
первообразнаго. числа единствен-
наго , начертанія простаго. па-
дежа сказательнаго , склоненія
перваго.

Хлѣбъ : Часть , первая , имя
нарицательное отъ неуравняе-
мыхъ. рода мужскаго , вида
первообразнаго. числа единствен-
наго , начертанія простаго. па-
дежа праваго , склоненія вто-
раго.

Нашъ : Часть вторая вмѣ-
сто имени. Писано выше.

Насущный : Часть четвер-
тая причастіе , рода мужска-
го. начертанія сложнаго , числа
един.

единственнаго. падежа праваго, време́не настоящаго, залога сре́дняго.

Дажь: Часть третія глаголь стропотный, залога дѣйственнаго. начертанія простаго, вида совершеннаго, числа единственнаго, лица втораго. наклоненія моли́тельного, время будущее. рода всякаго, спряженія перваго.

Намь: Часть вторая, вмѣсто имени, вида первообразнаго. качества указательнаго, рода всякаго, числа множественнаго, начертанія простаго. лица перваго, падежа дательнаго. склоненія перваго.

Днесъ; Часть шестая, нарѣчїе, вида первообразнаго. начертанія простаго, знаменованія настоящаго.

И: Часть осмая союзъ, начертанія простаго. знаменова-

ніа сопрягательнаго , чина предлагательнаго.

Остапи : Часть третія глаголѢ , залога дѣйствительнаго , начертанія простаго. вида совершенна , числа единствительнаго. лица втораго , наклоненія молительнаго. время будущее. рода всякаго , спряженія втораго,

НамѢ : Писано выше.

Долги : Часть первая , имя нарицательное отѢ неуравняемыхѢ. рода мужескаго , вида первообразнаго. числа множественнаго , начертанія простаго , падежа виновнаго , склоненія втораго,

Наша : часть , вторая вмѢсто имени. качества припаятельнаго. рода всякаго , числа множественнаго. начертанія простаго, лица перваго. падежа виновнаго , склоненія четвертаго.

Якоже :

Якоже: Часть шестая, нарѣчїе, вида первообразнаго, начертанїя простаго, знаменованїя уподобительнаго.

И: Часть осмая, союзѣ. начертанїя простаго, знаменованїя сопрягательнаго. чина предлагательнаго.

Мы: часть вторая, вмѣсто имени. вида совершеннаго, качества указательнаго. рода всякаго, числа множественнаго. начертанїя простаго, лица перваго. падежа праваго, склоненїя перваго.

Остапляемѣ: Часть третїя, глаголѣ залога дѣйствительнаго. начертанїя простаго, вида учащательнаго. числа множественнаго, лица перваго. наклоненїя изъявительнаго, времени настоящаго. рода всякаго, спряженїя перваго.

Должникомѣ: Часть первая, имя прилагательное. рода муже-

жескаго , вида производнаго. числа множественнаго , начертанія простаго. падежа дательнаго , склоненія пятаго.

Нашимъ : Часть вторая , вмѣсто имене. вида производнаго , качества притяжательнаго. рода всякаго , числа множественнаго. начертанія простаго, лица перваго , падежа дательнаго , склоненія четвертаго.

И : Часть осмая , союзъ , начертанія простаго. знаменованія сопрягательнаго , чина предлагательнаго.

Не : Часть шестая , нарѣчіе , вида первообразнаго. начертанія простаго , степень уравненія положительнаго. знаменованія отрицательнаго.

Впеди : Часть третія , глаголъ , залога дѣйствительнаго. начертанія простаго , вида совершеннаго , числа единственнаго.

лица

лица втораго. наклоненія моли-
тельного, времени будущаго.
рода всякаго, спряженія пер-
ваго.

Насѣ: Часть вторая, вмѣ-
сто имени. вида первообразнаго,
качества указательнаго. рода
всякаго, числа множественнаго.
начертанія простаго, лица пер-
ваго. падежа виновнаго, скло-
ненія перваго.

Во: Часть шестая, пред-
логѣ, по счиненію падежа да-
тельного и сказательнаго.

Искушеніе: Часть первая,
имя отъ глагола, рода средня-
го. вида производнаго. числа
единственного, начертанія про-
стаго. падежа виновнаго, скло-
ненія втораго.

Но: Часть осмая, союзѣ,
начертанія простаго. знамено-
ванія противительнаго, чина
предлагательнаго.

Избави:

Избапи: Часть третія глаголѣ. залога дѣйствительнаго, начертанія простаго, вида совершенна. числа единственнаго. лица втораго. наклоненія молибельнаго, времени будущаго, рода всякаго, спряженія втораго.

Насѣ: Писано выше.

Отѣ: Часть шестая, предлогѣ. по счиненію падежа роднаго.

Лукапаго: Часть первая, имя прилагательное. рода мужескаго, вида производнаго. числа единственнаго. начертанія простаго. падежа роднаго, склоненія пятаго.

Сице вся божественнаго Писанія, реченія и слова, и вѣдѣнныхъ бесѣдованіи словеса, яже предано отъ Бога уму человѣчю разсуждати, и языку глаголати, частями сими осмѣю разводи, и родами разбирай, и
виды

виды указуй, и числа разска-
зывай, и начертанія обѣявляй,
и падежи узнавай, и склоненія
незабывай, и залогы и времена
разсуждай, и качества роспи-
сывай съ люботруднымъ тща-
ніемъ, аще хоцещи извѣстно
вѣдати осмочастный разумъ.
внѣ бо сихъ, ничтоже есть, и
немошно слова изъяснити безъ
сихъ, якоже рече Іоаннъ дама-
скинъ.


КОНЕЦЪ.




Гос. Библиотека. Научн. б-ка
НИИ СССР

Классиф. № _____

197 г.





Deck n 8828

